

**Pengalaman Terbaik, Enam Tahun Sebagai Senator, Kata Heng Bernama  
17 Julai, 2012**

KUALA LUMPUR, 17 Julai (Bernama) -- Timbalan Menteri Pembangunan Wanita, Keluarga dan Masyarakat, Datuk Heng Seai Kie menganggap tempoh dua penggalnya sebagai anggota Dewan Negara banyak membantu beliau menjalankan tugas sebagai senator dan Timbalan Menteri.

Katanya, tunjuk ajar yang diterima sepanjang enam tahun itu amat dihargainya dan akan terus menggunakannya.

"Saya rasa cukup bertuah diberi peluang dua penggal sebagai senator. Dengan bantuan (tunjuk ajar) dari Yang Dipertua Dewan Negara (Tan Sri Abu Zahar Ujang) serta rakan-rakan lain, sememangnya ia membantu tugas saya selama ini," katanya pada Jamuan Perpisahan Anggota-anggota Dewan Negara yang tamat tempoh di Dewan Bankuet Parlimen pada Selasa.

Turut hadir Yang Dipertua Dewan Negara Tan Sri Abu Zahar Ujang, Timbalannya Datuk Doris Sophia a/k Brodi serta anggota-anggota lain Dewan Negara.

Selain Heng, majlis itu turut diadakan untuk meraikan senator Datuk Azian Osman dan senator Lee Cheam Choon.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=681280>